

11. Přetož mi bu wozjewjene wo was, moji bratra, wot domjacych Chloe,* zo su zwady mjez wami.

12. Měnju pak tuto, zo kóždy mjez wami praji: Ja wšak sym Pawołowy, ja pak Apollowy, ja pak Kefasowy, ja pak Khrystusowy. Jap. sk. 18, 24.

13. Je Khrystus džěleny? Bu drje Pawoł križowany za was? abo bušće we mjenje Pawoła křćeni?*

14. Džakuju so Bohu, zo nikoho z was křćil njejsym, khiba Krispa a Kaja, Jap. sk. 18, 8.

15. Zo by nictó njerjekl, zo sće w mojim mjenje křćeni.*

16. Sym pak tež Stefanasowy dom křćil; hewak njewěm, zo bych někoho druhého křćil.

17. Přetož Khrystus njepósła mje křćić, ale evangelium předować, nic w mudrosći słowa, zo by križ Khrystusowy njebyl poslabjeny.* 2. Pětr. 1, 16; niže 2, 1. 4. 13.

18. Přetož slowo križa je wšak tym, kotřiž budža zhubjeni, blaznosć, tym pak, kotřiž budža wumóženi, to je nam, móc Boža.* Rom. 1, 16.

19. Přetož pisane je: „Zničü mudrosć mudrych, a rozom rozomnych začisnu.“*

Is. 29, 14.

20. Hdže je mudry? hdže pismawučeny? hdže wurěčowař tohole swěta? Njesćini Bóh mudrosć tohole swěta blaznu?*

Is. 33, 18.

21. Přetož dokelž w Božej mudrosći swět přez mudrosć Boha njespózna, zespodoba so Bohu, přez blaznosć předowanja wozbožić wěrjacych:*

22. Dokelž kaž Židža znamjenja žadaju, tak Greksey mudrosć pytaju;*

23. My pak přědujemy Khrystusa križowaneho, Židam drje pohóršk, pohanam pak blaznosć,*

24. Ale powolanym samym, Židam a Grekskim, Khrystusa jako Božu móc a Božu mudrosć:*

25. Dokelž blaznosć na Bohu je mudriša, dyžli čłowjekowje, a słabosć na Bohu je sylniša dyžli čłowjekowje.*

26. Přetož pohladajće na swoje powołanje, bratra, zo njejsu (powołani) mnozy mudri po mjasu, nic mnozy móćni, nic mnozy wosobni,*

11. Štó Chloe bě, njeje znate, najskerje wosobna žónska w Korinthu, kotrejež přecelowje abo služownicy do Efesa přišedši, Pawołej wo nastatych překorach powědachu. — **13.** Khrystus, kotryž je jeno jedyn, a tohodla tež jenu wučbu wučil, jeno jenu cyrkej založil, njehodži so džělic. — **15.** Pawoł wjeseli so, zo njeje wina na tychle překorach, dokelž jeno porědko křćiješe, za to pak čim pilnišo předowaše. — **17.** Pawoł předowaše z jasnými ale jednorymi słowami; evangelium, wučba wo križu t. j. wo wumóženju je sama na sebi tak móćna, zo wšitkich hnuje a přeměni; štóž ju z přewulkej čłowjeskej mudrosću wuhotuje, slabi križ Khrystusowy, t. r. wučbu wo wumóženju, dokelž měni, zo čłowjesku podpěru potrebuje. — **18.** Zhubjeni budža wšitcy čí, kotřiž do słowa križa, t. r. do križowaneho zbóžnika njewěrja, dokelž maju evangelium we swojim hordym duchu za blaznosć; wšitcy pak, kotřiž do słowa križa wěrja, budža zbóžni; přetož za nich je wučba wo križowanym zbóžniku potajna móc, kotraž jich žiwjenje přeměni a jich w póćiwosći wobkrući. — **19.** Bóh zničü mudrosć mudrych, hdyž to, štož maju woni za mudre, hidži; to pak, štož maju woni za blazne, wuzwoli, zo by přez to swoju mudrosć zjewil. — **20.** Mudri tohole swěta, t. r. kotřiž na swoju samsnu mudrosć twarja, mudrosć wěry zacpěwajcy, su so minyli a jich wědomosć njepřinjese plodu. — **21.** Swět, t. r. swětni čłowjekowje njespóznaču Boha z jeho skutkow, kotrež wón tola z wulkej mudrosću rjaduje; tohodla wobzamkny Bóh, zo chce z wučbu wo križu, kotruž maju čile ludžo za blaznosć, wumóžić wšitkich, kotřiž do njeje wěrja. — **22.** Židža žadaju džiwy a Greksey, t. j. pohanscy mudri wulke dopokazy, prjedy dyžli wěrja, jednorym słowam pak wěru zapowědžuju. — **23.** Wučba, zo je Khrystus na križu swět wumóžil, je za Židow, kotřiž móćneho swětneho krala jako wumóžnika žadachu, pohóršk; za mudrowacych pohanow pak, kotřiž zapřijeć njemóža, zo by přez smjereć na križu swět wumóženy być móhl, je tale wučba blaznosć. — **24.** Tym pak, kotřiž su přez hnadu Božu k wěrje powołani, je Khrystus na križu najwjetši dopokaz Božeje mocy a dobroćiwosće a mudrosće. — **25.** Štož čłowjekam na Božich skutkach blazne być so zda, je tola mudriše, dyžli najmudriše čłowjeske skutki, a štož so na Božich skutkach słabe być zda, je tola móćniše, dyžli najmóćniše skutki čłowjekow. — **26.** K wěrje njebuchu powołani mudri, kotřiž na swoju wědomosć twarja, nic móćni a wosobni, kotřiž so na tute swětne wěcy spušeju.

*